



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1558. usque ad annum 1560

**Fleury, Claude**

**August. Vind. [u.a.], 1771**

**VD18 90118588**

§. 66. Oratio Pontificis ad Patres congregatos.

---

[urn:nbn:de:hbz:466:1-66800](https://nbn-resolving.org/urn:nbn:de:hbz:466:1-66800)

## §. LXVI.

Sæcul. XVI.  
A. C. 1558.*Oratio Pontificis ad Patres congregatos.*

Die sexta Julii, quæ octava erat Festi SS. Apostolorum Petri, & Pauli dies, cuncti Patres ad Summi Pontificis pedes deosculandos, atque ad obtinendam illius benedictionem Palatium accesserunt, quos Papa summa benignitate excepit, ac eorum Societatem plurimi a se haberi testatus est, posteaque illos ad suum cubile accersivit, ubi omnes in orbem ejus genibus advolutos per quartam ferme horæ partem illos latina hac oratione alloquebatur. *Summa animi voluptate, dilecti filii, Deo, a quo omne donum perfectum manat, gratias agimus, quod in vestro Præpositi Generalis delectu præsens adesse voluerit, conventumque, ut constat, legitimum, & ratum habuerit: ea enim in tanta nationum varietate consensio, amorisque mutui ardor extitit, ut nonnisi a divino Spiritu, qui rite congregatis adesse solet, profecta esse videatur: planum enim factum est omnibus, societatem vestram non arenæ inædificatam, sed firmæ petreæ, & angulari lapidi Christo Jesu inniti. Et vero permagni intererat primum hunc ab Ignatii Loyolæ morte conventum, delectumque sociorum bene, feliciterque evenire, ut norma posteris,*

*Ribad. &  
Sacchini l. c.*

Sæcul. XVI.  
A.C. 1558.

*Et Regula esset, Et tanquam fax prælu-  
ceret, in quam Et alii, Præpositis morte  
amissis, socii respectarent. Hæc nos spe-  
rare Deus jubet, qui hunc Societati spi-  
ritum indidit, consensumque animorum sum-  
mum attribuit. Augebit item in immen-  
sum cætum vestrum, dabitque Et perficere,  
qui dedit Et velle ad nominis sui gloriam,  
utilitatemque communem.*

Postea ad Laynesium Præpositum  
Generalem conversus Pontifex, eundem  
(si tamen Societatis Historiæ, ac Jesui-  
tis hunc sermonem referentibus fides  
habenda,) his verbis allocutus est. Su-  
per te vero dilecte fili fors cecidit, ut So-  
cietatis familiam duceres, quæ a parvi  
primum ducta principiis, ut Et Ecclesia  
Dei, magnopere crevit: non solum tantis  
laboribus non deficias, sed illustrior, ma-  
jorque indies existens. Sedes hæc Ponti-  
ficia Et fovit adhuc socios, Et fovebit  
deinceps amantius, non ignara, quanto ad  
Ecclesie Catholice commodo fiat, cui vos,  
vitamque, Et labores omnes consecratis  
nullum capitis periculum refugientes, dum  
Dei causa salva sit, atque Religio: spes  
itaque bona nos tenet, fore, ut posthac o-  
pera, diligentiaque vestra corrupti mores  
ad pristinam disciplinam revocentur, cres-  
catque indies magis, magisque Dei cultus:  
quare non otio, sed labori indulgendum,  
non deliciis, sed cruci ferendæ, danda est  
opera:

opera: non est enim, ut Christus ait, ser-  
 vus major Domino suo, si me persecuti  
 sunt, & vos persequentur. Hunc vobis  
 ad imitandum proponite, currentes ad pro-  
 positum certamen, aspicientes in auctorem  
 fidei, & consummatorem Jesum, qui, ut  
 Paulus ait, proposito sibi gaudio, sustinuit  
 crucem, confusione contempta: proponite &  
 Apostolorum Principem Petrum, qui, ut  
 Christum unice amavit, sic & crucis in-  
 fame supplicium libenter sustinuit, & in-  
 verso capite deorsum, ne Magistro æqua-  
 retur, mori voluit. Proponite denique ve-  
 teris, novique testamenti sanctos viros, quo-  
 rum una omnium vox fuit: propter te  
 mortificamur tota die, & facti sumus ve-  
 lut oves occisionis. Quem Prophetarum  
 non sunt persecuti Patres vestri, objecit Ste-  
 phanus Judæis. Christus quoque: & vos  
 implete mensuram Patrum vestrorum. Vi-  
 detis dilecti filii, Ecclesiæ Catholicæ labo-  
 rantis statum, ab iis undique hostibus cir-  
 cumventæ, qui Christi sponsam extinctam  
 maxime vellent. Si bellum duntaxat indi-  
 xissent gentes, Judæi, Barbari, & novi  
 orbis incolæ a christiana fide alieni, seren-  
 dum forsitan esset, insciticæque tribuendum:  
 sed eos, proh dolor! infestissimos hostes na-  
 ti sumus, qui ex nobis exierunt, & Chri-  
 sti se nomine jactitant, lavacro etiam Ba-  
 ptismatis tincti. Quæ cum ita sint; vi-  
 gilare vos, ut fortes milites, & in statione

Sæcul. XVI.  
 A.C. 1558.

Sæcul. XVI  
A.C. 1558.  
ne excubare decet : erit enim tempus, quantum provideo, cum & nomen vestrum improbis invisum, & sanam doctrinam adversarii non sustinebunt : sed pergite, ut cœpistis, ad brævium æternæ gloriæ curretes, ut aliquando comprehendatis. Non vos labor, periculaque deterreant, non debilitent minæ, non mortis metus frangat, sed ipsi vos holocausta offerte Deo in odorem suavitatis, ac contra omnes hæc vexationes roborate pectora vestra, ad quod agendum vos animet eximius erga Magistri vestri honorem amor, ejusque gloriæ, ac animarum salutis studium, nec non solliciti sitis, ne vos seducat Principum favor, nec eorum minæ vos deterreant, aut sæculi honores obcæcent, ac ruinæ occasionem præbeant (\*).

## §. LXVII.

*Electio Superiorum Majorum.*

Sacchin. n. 44  
Et 45.  
Bauhous  
in vita  
S. Ignat.  
l. 3. p. 251.  
Postea Patres continuatis hisce comitiis eligebant Generalis Ministros, Assistentes, & Monitorem, seu quemdam Virum prudentia, ac virtutibus conspicuum, qui Præposito Generali in variis occasionibus prudens consilium suggerere possit, id enim a Divo Ignatio ita fuit constitutum, hoc que munus Polanco

(\*). Hæc in oratione a Ribadeneira recitata non leguntur.